

მიხვდი, რომ აქ უთუოდ სხვა რაღაცა იყო... მინდო-
და გავქცეულიყავ, მაგრამ ვერ შევძელ... მიხვდი, რაც
გითხარ?..

ტენტაუ. ღიახ, ღიახ, ჩემო დაო, მესმის, რაც უნდათ
ჩემგან...

ივრენა. მაშ, ნულარ ვილაპარაკებთ იმაზე, რაც ვიცით...
ხედავ იქ გამხმარ ხეებს, ცის ტატნობს აბუნდებენ.
ამჩნევ ციხეს იქ, ძირს, ველის დაბლობში...

ტენტაუ. აგერ შავად რომ მოსჩანს, დაო ივრენა?

ივრენა. ქეშმარიტად ის შავია... თვით წყვილიადის სილ-
რმეშია, და ჩვენ იძულებულნი ვართ, იქ ვიცხოვროთ...
შეეძლოთ იგი მაღალ გორების მწვერვალოზე დაედგათ,
იმ გორებისა, რომელიც მას წრედ შემოვლებიან...
დღისით გორები მოლურჯოთ გამოჰკრთიან... ამოსუნ-
თქვაც სუბუქია... იქიდან, კლდეებს გადაღმა გამოჩნ-
დებოდა ხოლმე ზღვა, ველ-მინდორი. მაგრამ იმათ ცი-
ხის ავება ამჯობინეს ძირს, დაბლობში. ჰაერიც კი არა
მოძრაობს იქ... ინგრევა ციხე-დარბაზი და ამაზე არა-
ვინა ზრუნავს... კედლები მიწაში იფლობა და შეიძლე-
ბა ითქვას, წყვილიადში ილევიაო. კოშკს ვერას აკლებს
მხოლოდ დრო-ჟამი... კოშკი უზარ-მაზარია, და სახ-
ლიც იმის ჩრდილოშია შეფარებული...

ტენტაუ. იქ რაღაც ანათებს, დაო ივრენა... ხედავ,
ხედავ ვეებერთელა ფანჯრებს?

ივრენა. კოშკის ფანჯრებია, ტენტაუილი! შუქს მხო-
ლოდ იქ იხილავ. სწორედ მანდვეა სამეფო ტახტი დედო-
ფლისა.

ტენტაუ. დედოფალს ვერა ვნახავ?

ივრენა. იმას ვერაფერ ნახავს.

ტენტაუ. რატომ არ შეიძლება მისი ნახვა?

ივრენა. მომიხსლოვდი, ტენტაუილი... ახუც ერთმა
ფრინველმა, არც ერთმა მცენარემ ჩვენი ლაპარაკი არ უნდა
გაიგონოს...

ტენტაუ. აქ მცენარე არა სჩანს, დაო... (სიჩუმე). მერე და
რას აკეთებს დედოფალი?

ივრენა. არავინ იცის, ბავშვო ჩემო, არავის ეჩვენება...
თავის კოშკში მარტოდ-მარტო სცხოვრობს. არც იმის
მოსამსახურენი გამოდიან დღისით... დედოფალი ძალზე
მოხუცია. იგი ჩვენი დიდება და უნდა მხოლოდ თვით
ბრძანებლობდეს... ექვიანია და შურბანიაო. ამბობენ,
შეშლილიაო... შიშობს, სხვამ არაფერ დაიჭიროს იმის
ადგილი და ტახტი არ ჩამოართვას. შიშია მიზეზი შენი
აქ მოყვანისა... მისი ბრძანებანი სრულდება, მაგრამ
როგორ, არავინ იცის... დაბლა არას დროს არ ჩამო-
დის და კოშკის ყველა კარი დაკეტილია... არასოდეს
არ მინახავს იგი, მაგრამ, ალბად, სხვებს უნახვით,
როდესაც იგი ჯერ კიდევ ახალგაზრდა იყო...

ტენტაუ. ძლიერ ულამაზოა, დაო ივრენა?

ივრენა. ამბობენ, ულამაზოა, ულამაზოა და საშინლად
სქელიო. მაგრამ ვისაც უნახავს, მანე ლაპარაკს ვერა
ჰბედავს... მერე ნამდვილად კი უნახავთ? წარმოუდ-
გენელისა და გაუგებარის უფლებითა მფლობელობს იგი.
ჩვენ აქა ვცხოვრობთ, გულს მძიმე ლოდი დაგვეწოლია და
აღარ ველით შეწყალებასა... ნუ შეგეშინდება და ნურც
გულში გაივლებ, რომ ძილში ცუდი არა დაგვესიზმოს-რა.
ჩვენ დაგიფარავთ, ჩემო პატარა ტენტაუილი, და ავი არა-
ფერი მოგეკარება, მხოლოდ არ გამშორდე, არ მოსცილდე
შენ დას ბელანჟერას, და ჩვენს მოხუცს მასწავლებელს აგ-
ლოვალის...

ტენტაუ. აგლოვალისაც, დაო ივრენა?

ივრენა. აგლოვალისაც... მას ვუყვარვართ.

ტენტაუ. მერე ისეთი მოხუცია იგი, დაო!..

ივრენა. მოხუცია, მაგრამ დიდი ბრძენი. ერთად ერთი
მეგობარი-ლა შეგვჩრა... მაგან ბევრი რამ იცის. საოცრე-
ბაა... შენი მოსვლა მან არავის შეატყობინა... არ მესმის
ჩემი გულის ამბავი.. მოწყენილი ვიყავ და იმევე დროს
მიხაროდა, რომ შორს იყავი, ზღვის გადაღმა... ეხლა-კი...
გაოცებული დავჩი... დღეს დღით გამოველ, რომ მენახა,
მზემ წვერი ამოჰყო თუ არა გორებზე, ამდროს კარის
ზღრუბლზე შენ კი გიხილე. მაშინვე გაცან...

ტენტაუ. არა, არა, დაო, პირველად მე შემოგცინე.

ივრენა. არ შემეძლო მაშინვე გამეცინა... რატომ,
ამას შემდეგ გაიგებ... დროა, ტენტაუილი, ზღვას სიბნელე
ეფინება... მაგრა მაკოცე... კიდევ, კიდევ, სანამ აღგებოდე.
შენ არ გესმის, რა არის სიყვარული... მომეცი შენი პაწია
ხელი... მაგრა დავიჭერ, გავუფრთხილდები და დიღ ციხე-
კოშკში ერთად დავბრუნდეთ. (გადაიან).

ფარდა.

მ ა ქ მ ე დ ე ბ ა მ ე ო რ ე

ათახი ციხე-დარბაზში

(აგლოვალი და ივრენა. შემოდის ბელანჟერა)

ბელანჟერა. სადარის ტენტაუილი.

ივრენა. აქ არის... მაგრე ხმა მაღლა ნუ ლაპარაკობ.
აქვე სძინავს, მორე ოთახში. ცოტა ფერ-მქრთალია და ავად-
მყოფის შეხედულობა აქვს. ზღვაზე დალილია ხანგრძლივი
მოგზაურობით... შეიძლება ამ ციხის დახშულმა ჰერმა დაჰ-
რია ხელი იმის ქორფა სულს. ყოვლის უმიზეზოდ ტიროდა...
ჩემს მუხლებზე ვარწვევდი. ვულოლიაგებდი... წადი, ნახე...
ჩვენს ლოგინში წევს, მედიდურად სძინავს, შუბლზე ხელი
მიუდვია, თითქო ნაღვლიანი მცირეწლოვანი მეფეაო...

ბელანჟ. (უცებ აქვითინდება) დაო... დაო... ჩემო საწყა-
ლო დაო...

ივრენა. რა მოხდა?

ბელანჟ. არ შემეძლიან ვსთქვა, რაც ვიცი... და არც
დარწმუნებული ვარ, თუ ვიცი რამ... მაგრამ მაინც გავიგე,
რის გაგებაც არ შეიძლებოდა...

ივრენა. მერე რა გაიგე?

ბელანჟ. კოშკის ტალანს გვერდზე ჩავუარე...

ივრენა. მერე?

ბელანჟ. ერთი კარი ცოტა ღია იყო, ფრთხილად ხელი
ვკარი და შეველი.

ივრენა. სადა?

ბელანჟ. წინად იქ არას დროს არა ვყოფილვარ... იქ
იყო სხვა ტალანებიც, ლამპრებით განათებული... დაბალი
გალერიები, რომელთაც გამოსასვლელი გზა არა ჰქონდათ...
ვიცი, შორს წასვლა აკრძალული იყო... შემეშინდა...
უკან დაბრუნება განვიზრახე, როცა ოდნავი ჩურჩული შე-
მომესმა...

ივრენა. უთუოდ დედოფლის მოსმასახურენი იქნებოდ-
ნენ... კოშკის ძირას სცხოვრობენ.

ბელანჟ. სწორედ არ ვიცი, ვინ იყო... უეჭველია, ჩვენ
რამდენიმე კარი გვაშორებდა და ჩემამდის ხმა ისე აწევდა,
გეგონებოდა, კაცს ახრჩობდნენ და მისი ხრიალი ისმისო...
რაც შემეძლო, მივუახლოვდი... დარწმუნებული კი არავარ
მაგრამ ივრენა ოქროს გვირგვინსა და იმ ბავშვზედ ლაპარა-
კობდნენ, რომელიც დღეს მოვიდა... თითქოს იცინოდნენ
კიდევ...



მ ა ღ მ ნ ა, (ღვთის-მშობელი), — სურათი რაფაელისა.

ივრენა. იცინოდნენ?

ბელანუ. დიახ, მგონია იცინოდნენ... თუ არა ტიროდნენ. შეიძლება სხვა რაღაც იყო და მე ვერ ვაგვიგე, რადგან ხმა დაბლა ლაპარაკობდნენ და კარგად არ მესმოდა... მათი საუბრის ხმა თაღების გამოძახილს უერთდებოდა... ლაპარაკობდნენ ბავშვზე, რომელიც დედოფალს უნდა ენახა... ალბად, დღეს საღამოთი იმასთან ავლენ...

ივრენა. რაო? დღეს საღამოთი?

ბელანუ. ჰო, ჰო! ვფიქრობ, ასე მოხდება...

ივრენა. არავინ დაუსახელებიათ?

ბელანუ. ლაპარაკობდნენ ბავშვზე, სულ პატარა ბავშვზე...

ივრენა. აქ სხვა ბავშვები არ არიან...

ბელანუ. ამ წუთს ხმა შეუმაღლეს. გავიგონე, ერთმა სთქვა: ჯერ ვგონებ დრო არ დამდგარაო...

ივრენა. მესმის, რას ნიშნავს ყველა ეს და კოშკიდან მათი გამოსვლაც პირველი არ იქნება... კარგად ვიცოდი, რისთვისაც ბრძანა მინ ტენტაჟილის მოყვანა... მაგრამ არ მეგონა, თუ ასე აჩქარდებოდა... ვნახავთ... ჩვენ სამნი ვართ და როცა გვაქს...

ბელანუ. რა გინდა ჰქმნა?

ივრენა. ჯერ არ ვიცი, რას ვიზავ, მაგრამ მას-კი გავაკვირებ... და თქვენ იცით რა არის, თქვენ, რომელნიც სდგებხართ და ცახცახებთ... მე გეტყვით...

ბელანუ. რას?

ივრენა. ადვილად ვერ ჩაიგდებს მას ხელში...

ბელანუ. ჩვენ მარტონი ვართ, დაო, ივრენა...

ივრენა. დიახ, მარტოლა მარტონი ვართ, მაგრამ ამას ყოველთვის ვახერხებთ. დაჩოქილები ველოდოთ, როგორც მას უამსა... (იჩინაუჯად) იქნება შეგვიბრალოს კიდევ... ჩვენმა ცრემლებმა გული მოუღბოს... რასაც მოგვთხოვს, ყველაფერზე უნდა დავთანხმდეთ... იქნება გაიღიმოს კიდევ... იგი ჩვეულებრივ იმას იბრალებს, ვინც მუხლებში ჩაუვარდება...

უკვე რამდენიმე წელიწადია, ამ უზარმაზარ კოშკში სცხოვრობს და ყველა ჩვენთანებს უღეტს... ვერავინ ვერ უბედავს წინააღმდეგობს... საფლავის შიშველი ლოდით დასწოლია ჩვენ სულს და ვერავინა ჰბედავს იმის აგლეჯას... მაშინ, როცა აქ ვაჟკაცი იყვნენ, იმათაც კი ეშიზოდათ და მაგის წინაშე პირქვე ემხობოდნენ... ეხლა რიგი დედაკაცებზე მოდგა... ენახოთ... დროა მაინც აღვსდგეთ... არა, ვინ იცის, მისი ძლიერება რაზეა დაფუძნებული, და მეც იმის კოშკის ჩრდილში ცხოვრებას ვეღარ ავიტან... წა, წადით ორივენი, და მე მარტოდ-მარტო დამტოვეთ, რაკი თქვენ ასე ჰქრწით... უნდა ველოდო მის...

ბელანუ. დაო, თუმცა არ ვიცი რა მოვიქმედო, მაგრამ მაინც შენთან დავრჩები...

აგლოვალი. მეც ვრჩები, ბავშვო ჩემო... ჩემს სულს დიდიხანია მოსვენება დაეკარგა... თქვენა სცადეთ... ჩვენ არა ერთხელ შევეცადენით...

ივრენა. ცდილობდით? თქვენცა?..

აგლოვალი. ყველანი სცდილობდნენ... მაგრამ უკანასკნელ წუთს ღონე ელოდათ... თქვენ თითონ ნახავთ... იმან რომ დღეს საღამოთი მიმიხმოს, გულ-ხელს დავიკრებავ და სიტყვის შეუბრუნებლად, ჩემის მოქანცულ ფეხებით იმის კიბის საფეხურებზედ დინჯავ ავალ, თუმცა ვიცი, რომ იქიდან თვალზე ახილული უკან არავინ დაბრუნებულა. იმის წინაშე ჩემი ვაჟკაცობა ჰქრება... ჩვენი ხელები აღარაფერს აღარ ემსახურებიან... აქ სხვანაირი ხელებია საჭირო... ყველაფერი გაჰქრა... მაგრამ მე მაინც მინდა შემოგეშველოთ, თუ თქვენ რისამე იმედი გაქვთ... დაჰკეტეთ კარები, ჩემო პატარა... ტენტაჟილი გაადვიდეთ... მოჰხვიეთ თქვენა შიშველა ხელები და მუხლებზე დაისვით... სხვაფრივ ხსნა არა გვაქს...

თამარ ნათიშვილი.

ფარდა.

(შემდეგი იქნება).



ქართველი თავადი. — აბა მამული, რა მამულის სულ იაფად ვყიდი...